

史官

志中



仍弘光

本官

任任分上

大棟小楠百司各收其材老安少懷一物不失其所
是以玉人免朋足之刑名士投書空之筆若夫納汙
含垢

明主寬弘之量藏疾匿瑕

聖朝覆載之仁而凡卉

依雕牆蹇驢駕大輅不唯失觀美恐亦非分宜臣則
誠惶誠恐頓首頓首伏惟臣本遠地蒼生寒門白望
幸逢文明開化之秋未脫固陋頑愚之習蠭字橫行
眼無一丁蠹編玩讀胸畜千卷丈夫不為也而事雕
蟲篆刺識者應笑焉自稱經國文章世或嗜痂虛名

頗傳藝林誰其推轂
寵命遽下蓬戶執象笏而
肯讓拖長裾以周旋違顏咫尺通拜

天威奏牘三千親聞

魯斷豫慮偉績豐功之或泯乃脩青史以垂久雖無斜
封墨勅之流弊猶檢白麻於未宣品清階崇任重責
大蓋儒生未有之遇即

聖主非常之恩固宜存乾終日之心以盡塞匪躬
之節然而二豎為寇三蟲叵除簿書堆案手倦披閱
賓客滿門身疲應酬蒲柳徒浴雨露根難植乎

禁苑沐猴不勝衣冠夢屢牽乎山林矧君子愧素餐
曾無消埃之效馬齒過強仕漫見筋骨之衰苟免終
朝三禩之罪寧貪一歲九遷之榮彼何人斯白衣鵲
杖樂天夙結香山之社予且老矣竹簞茆檐永埽方
買潁水之田豈云急流勇退唯是散木樗材恐長妨
賢路欲更薦異才

陛下苟垂

聖鑒照愚衷使臣藏跡壠畝養病丘園
顧瞻玉堂於在天歌詠帝德於擊壤順不識不知之
則而行自由自主之權則仁慈無涯感激曷已臣剛

誠惶誠恐頓首頓首謹上表以聞

壬申八月

權大外史正六位臣川田剛

康定縣

伊地知壯之丞

外務省七等出位被
任付子